

مجموعه ابو الضرب

ماسوا شایه سندن دلی تطهیرہ چالش

پرتو حکمت و عرفان الہ تنویرہ آتش

هر ماه عربی ابتدایه اون بشده نشر اولور قون مجموعه سیدر

جزو ۴۰ [فی ۱۵ صفر سنہ ۱۳۰۲] نسخہ سی ۳ غروش

۳۶۰۰۰ سن ژنه ویو کتابخانه سنده ۱۸۰۰۰۰ لوقسنبورغ کتابخانه سنده
 ۴۵۰۰۰ سوربون کتابخانه سنده ۱۲۵۰۰۰ جلد کتاب موجود بولنیور .

§

شعدي برشو بالاده کی مقداره، برده بزم استانبولمزده بولنان ۴۷ باب
 کتابخانه نك مکرراتیله برابر حاوی اولدینی ۶۸۴۱۶ قطعه کتابه نظر
 اولنورسه فرانسه ایله ممالکمز آره سنده کی نسبت علم و معرفت کندیسینی کوسترز.

حکایات تاریخیه

فره دریشک برطور حکمت آمیزی .

بیوک فره دریق، علیهنده برمنظومه هجوته یابیش اولدینی
 ایشکله برصورتی اله کچیره رک برلنک اوتارنخده اک مشهور برکتاجیسنی
 جلب ایدوب دیمش که « شونی آل . همان کیت باصدیر . سایه سنده اپی
 پاره قرانیرسک . »

اون دردنجی لوئینک برسوزی

فرانسه قرالی اون دردنجی لوئی دیرایمش که « هر نه زمان بریسنه
 برامموریت ویره جک اولسه مطلقا طقسان طقوز ناخشنود ایله برنانکور
 وجوده کتیرمش اولیورم . »

لایسک ارباب فلسفه یی مؤاخذه سی

یونانستان قدیمده برخیلی شهرت قزائمش اولان (لایس) نامنده کی
 آشفه دیرایمش که « فیلسوف دنیلان شو افندیلرک نصل کتابار اوقودقلرینی

و نه کبی حکمت و معرفتار تعلیم ایلدکلرینی بیلیور ایسه مده اکثریا آنلرک دخی سائرلی کبی بنم قیومی فقط کندیلرینی خلقدن کیزلیه رک چالداقلرینی یک اعلا بیلیورم .

اوچنجی غوستاواک عقل سلیمی

منافق اولدینی حالده صادق کورنمک ایستیانلردن بری ایسه وچ قرالی اوچنجی غوستاواک حضورینه داخل اولدیغنده « اقدمز ! فلان ذاتک سزک علمکرده بعض تشبثانده بولدیغنی موثوق بر صورتده استخبار ایلدم . » دیمه سیله حکمدار مشارالیه جواباً « بکاده اوزات ایله بوزوشمش اولدیغکزی خبر و یردیلر. اولا کیدوب کندیسيله باریشکرده صکره کلوب استخباراتکزی حکایه ایدیکز ! » قولیه منافقک مقصد خائنه سی نهدن متولد اولدیغکی فقط عالیشانانه بر صورتده یوزینه اورمشدر .

بیوک پترونک برطور منصفانه سی

بویارلردن بری روسیه ایمپراطوری مشهور دلی پترونک برسوزینه اعتراض ایتمکله پترو حدت ایدرک بویاری بلندن قاورادینی کبی (نهوا) نهرینه آتمغه طاوارنیرکن بویار اصلا فتور ایتیه رک دیرکه : « بنی صوده بوغه بیلورسک ! لکن ینه بن ادعامده حقلی یم . حقلی اولدیغ سنک تاریخ حکومتکله و حتی شومعامله کله ثابت اوله جقدر . » برسوزدن مشارالیه اوقدر متأثر اولورکه بویاری او بولاد کبی قوی اولان قوللری طوته ماز اولور . و مرقومی برچوق التفات ایله تطیبه مسارعت ایدر .